

聖朝新政要略

聖朝新政要略卷五

崇禎元年正月初四日

並蒙宗頤漢祐
廷翁人內科
御文

○直隸巡按宋禎漢一本伏覩 仁綸事 奉

聖旨逆璫罪樞朋比擅政被害諸臣朕所矜憫李思

誠典禮清慎并吳牲誥勅着就便給還奏內薦舉
各官着該部勘酌用以後應復官者都照例還與
誥勅以昭朝廷孝治天下之典

○戶科楊文岳一本內憂已靖事 奉

聖旨覽奏歲內防外方今並急儲邊才留心甄別裕
衍文乙未下

軍需並資糧糗具與恤民謀職在終實事酌行清
汰猶資序升皆屬有當之言至清章奏無使亂熒
勤召對以防壅蔽猶於朕躬新政為有裨益朕將
申飭力行之

○兵科李魯生為

聖主以天知人以人立政事

聖旨朕勵精圖治奉天無私大小臣工亦宜靖共爾
位共襄泰運說得是被勅諸臣務酌核本末以定
用舍追賊之事拖累堪憐這熊廷弼妻楊連母都

着寬什賊銀免追其極之煥程註賊銀該撫按官
卽與查照具奏

正月初六日

○南浙江道李時馨一本為

送至京時馨候
兩府德人已至許存
南直御史

聖治日新權邪漸除敬陳要務仰乞

聖明洞鑒事 一日內正君心 二曰仰体天意

三曰首重諭道 四曰錄用忠直台諫 未

聖者這條陳四款於時政有裨餘悞有旨了

○太僕少卿仍嘗巡按直隸御史汪裕為

差至淮揚河兩省
人宗科御史加

新政紀畧

卷五

聖治已臻蕩平臣工惟同熙亮以息橫議以臻實功
事旨逆璫擅權結其驩心者不過五虎五彪十孩
兒如告許如罷織如請封公封侯封伯如授意糾
參此其大者夫害當求其去罪當誅其大其無甚
闢理亂之類亦可無事吹求也然猶有說焉其貪
邪當舍者如舊輔顧秉謙貪鄙乃其生平也故魏
忠賢呼為老竇竄入枚卜推官許其進鑽營乃其
生平也故崔呈秀受賄闢說吏部忠良之當用者
大臣如王永光李長庚霍維華卿寺如白儲培周

之納梅之煥彭鯤化臺省之吳國華虞廷陸杜齊
芳李恒茂玄默熊奮渭李茂芳練國事石三畏敢
再申請以見秉彝之公再有司道周汝弼沈應時
以按臣疏薦竟被削奪此從來未有之處法也

正月初七日

○刑科薛國觀為權奸伏辜黨羽當治謹疏摘以清
政事內參原任祥符知縣季寓庸用賄五千進崔呈
秀營買南直司官原任揚州府推官許其進用賄
三千選揚州美姪二人送崔呈秀買山東司官原

任灤州知州劉繼祖盜灤州庫歲賄進崔呈秀買陞刑部員外又如太僕卿梁夢環因魏忠賢欲謀逐張國紀以斷

先帝之耳目遂與劉志選共出死力參逐以搖穢

中宮今志選附舊染夢環猶然居位公論共為不平又參舊冢宰王紹徽一味陰謀報復使人參害無辜而使閭居少遲半月馮從吾亦作獄中鬼矣至用喬應甲從未有都察院副都出而建牙開府者有之自紹徽之用應甲始在紹徽借之以好仇

怨在應甲來之以充橐索至喬應甲之貪縱穢狀
到處同聲亘古罕有三秦傳為笑柄萬世留為罵
名所勘定一萬五千莊銀尚不盡什之一二所宜
一併豁處者也 奉

聖旨覽奏權充柄事賄賂公行大清清議深可痛恨
李寫庸許其進劉繩祺俱着該部議處來說梁夢
環着冠帶閑住喬應甲撫奏移跡多端再加勘議
。吏部等衙門接出

聖諭朕聞除奸豈朕後人主之大權苦心竭力人臣之
新文已多 卷五

大節故必籍勸懲以維法守戒復繖以勵新圖今
為爾文武百官明詔之適者並璫罪樞表裡為奸
招撫羣盜竊國柄刑政多譖賞罰無章上累
先帝之明下歛萬民之怨此固爾諸臣所耳聞目見
者也幸天厭巨奸早正國法始尊盡沒內外廓清
即爾諸臣才品各有短長立身各有本末殷鑒不
違其可忽諸自今為始務要洒濯肝肺各修職業
提精明振作之念削忿忽誕謾之習勿得苟懷私
圖致誤國是且動委之奸權掣肘不得自行其志

今大奸既除職掌運之各司而猶不致忠竭節亦
非所以事朕也內府各衙門積年獎賞尚未清耗
着該部院自行簡舉陳奏痛加洗剔勿事虛文大
要為國節財為民擇吏固圉者以封疆為重守土
者以民用為本其有挾私壞公逞意熒聽不從國
家起念專以窺爛妄營者朕決不輕貸一切奏議
有關國計者俱蓮我

祖宗舊章不得妄議紛更惟期大法小廉柔遠定邇

以佐朕平明之治特諭

正月初八日

○原任兵部尚書霍維華為感荷 天恩莫能圖報
謹効萬死以佐 聖明新政事 一曰勤聖學以
親萬幾 聖明天縱乾綱獨攬然治亂得失之林
非鑒往何以察來時陳經史披閱細繹不惟可以
明晰治理並可以陶養身心 一曰嚴宮闈以杜
僞竊向者權璫狎侍左右密布腹心故能一手障
天口啣天憲至宮禁之內行其離間今者屏除近
習穆清獨湛宮闈永肅 一日執中道以簡遺賢

蓋惟用人者有鑑空衡平之心而後為所用者無
東西南北之恨據所知中立不倚清慎有執則有
吳默薛三省唐世濟鄭以偉朱欽相曾楚卿李徵
儀趙士諤于士廉徐楊光高弘圖余大成王伉當
急還朝端以備股肱之寄者若以典試薦舉推陞
題差及無端波及而處如董承業史弼張捷王心
一李茂芳吳之仁李恒茂胡永順劉思誨等皆推
瑞矯旨罷黜當先復原官陸續推補者如游鳳翔

王洽翟鳳冲郝士青李遇知吳甡張廷拱所當悉

與湔雪還其故物以破異同者古人罰不及嗣如
程良等方釋褐通籍何至罹于不叙用之條乎

一日殛黨恩以謝幽冤人臣莫難於就死國法莫
難於擅殺劉鐸被刑最慘萬環吳裕中立斃杖下
楊漣等十餘人之死不惟愛之者倍天日之慘即
素不相友善者亦抱孤鬼之悲數十人皆死於忠
賢之手問誰公然發縱則李永楨其人也問誰暗
地運籌則劉若愚其人也問誰潛通線索則許彝
其人也忠賢已就天刑而數人可置不問于一

曰釋累繫以平刑獄狀如杞已經起用方震孺惠
世揚并宜赦宥惟王之孫孫慎行雖應赦之歸終
難免其罪毛士龍畏死違竄亦當赦免趙南星止
應罷免亦宜諒歸主如王隆歸德以不及之官亦
行追貶徐縉芳三赦之後不免一遣如胡加棟高出
雖不係權璫所害本律亦不應死并宜伏審定奪
者也

。錦衣衛指揮同知許夢麟直糾冒濫巨奸懇逮籍
沒并拿餘黨議清革轂以正國法事慨自魏崔表

裡為奸招權納賄匪獨士紳慘毒即細民無所措
手足中外洶洶勢同鼎沸今忠賢呈秀籍沒矣田
爾耕亦復籍沒矣人心大快猶有許顯純孫云鶴
楊震王蒞民此四奸非逆璫之爪牙乎最可恨者
許顯純之敵朴縉紳皮膚肉綻而目不一瞬假此
詔獄之威勢所取何啻數十萬金至如孫云鶴楊
震以僻野事件為名招集嚇詐無中生有縉紳則
曰門戶戚畹則曰犯禁或削奪或立枷或斬殺如
史家奴吳榮多金而即架訪搜覈吳養春父子于

杖下何其慄也更可駭者楊寰何人也私家營造
敢用大工木料而張凌雲日為之督工至工蕩民
已經參處之千戶賓緣差題所得吳養春賊私不
啻數萬四奸者逞虎假之威恣狼貪之欲所當一
併籍沒者臣以在衛之官言衛之奸不敢一毫踰
越者也

送景深保泰福建
處安人癸巳科同
住持趙翻局卯
史

○直隸學院陳保泰為
聖主御極政治方新謹憑憇仰祈

聖裁事蓋門戶之名從古未有振皆黨人創立名號

修怨者借此二字暗肆中傷如科臣中有朱欽相
沈應時彭汝楠陳熙昌臺臣中有王業浩高弘圖
周用賓劉其忠田唯加等孤忠不挽勁骨獨立先
後皆以門戶削去一時注差推陞又有李茂芳陸
世科姚應嘉張捷徐楊光相繼摧折有兄弟不為
門戶者如吳玄之與吳亮是有同鄉不為門戶者
如徐大化之與李三才胡應吉之與楊漣是也有
師生不為門戶者如舊輔方從哲無弑逆之事操
義反望必砍殺之者周希令輩是也詞臣錢象

坤錢龍錫肖命官曾楚卿林鈺莊榮昌等前後被處莫知其故至散館之楊汝成劉垂寶等亦無端波及之猶有進焉 咸臣張國紀閑廢可原舊撫臣袁崇煥宦遠出師天下杜之

○吏科魏照乘河南道安伸枚卜之典既隆變理之道宜光董述新參 簡用始末以勵在公之節以昭一時之盛事蓋聞夢卜求賢三代共侈為盛舉金甌卜相千古爭羨為美談孰敢有嚴承簡在之
無心加之爰立之始事使明良作會日月為昭都

俞從容

君臣一体如今日者也職等言官也目擊其事可無一言紀載以為新輔異日相業之助乎先是

皇上諭輔臣之請 勅吏部會推閣員已于本月二十二日疏名上請矣偶于二十三日職等辦事本

衙門聞

皇上詔閣臣與吏科河南道職照來申隨三閣進至乾清宮見殿前設香案甚肅內臣引職等入殿

叩頭禮畢

上語輔臣并職等云內閣公孤大臣倘得其人
社稷之福朕不敢自定欲求之天首輔施鳳來云海
內多事望

皇上多點幾員

上即命允云知道了職等即趕超出亭立于香案之
西下時

皇上親舉香行拜三叩頭禮內臣設小卓置筆硯于
香案之左前隨出紅紙十方每方各書一名逐一

遍示各臣為閣入金匱內
新政紀畧 卷五

上舉題帖之每帖一闈必以示職等遍觀然後執筆
點之隨伏再帖俱慎如前共點錢龍錫楊景辰宋
宗道李標周道登劉鴻訓等六員

上伏行一拜三叩頭禮畢

上還御座職等伏趨入叩頭稱謝是日

天顏溫藹和悅可掬職思

祖宗朝君臣相得為家人父子之相親即有權奸無
能壅蔽

皇上今日舉事奉天道之至公協人情之至快蓋昔

召對之遺乎夫卜相之禮遠矣我

皇上為國求賢且不難法夢卜斷卜精意考慎宣猷
矧召對乃

先朝故事

皇上踵而行之真易易耳抑職等因是而不能不重
望于新輔

皇上鄭重此舉仰告

上天俯對百官以精簡之悅異日者六臣于用人行

新政紀畧

卷五

十一

皇上一念不可以語百官便不足以光特典而報知
遇則失公矢慎竭臣下馮翼孝德之贊啟心沃心
濟

皇上受命弗祿之源知六臣必夙夜匪懈以勤一人
矣職等願

皇上并伏名對之家法而六臣大奮名節之相業仍
乞勅俞詞臣編此為例增入會典永為遵守

正月初十日

○浙江道御史甘學潤為奏家已見圖治有安謹陳

五事乞賜採擇以光新紀事 一曰清化源 二
曰飭臣工 三曰固邦本 四曰酌澄汰 五曰
羅真才 奉

聖旨覽奏清君心以瑞化甚于朕躬有裨諸臣各修
職業無使越畔民共幹恤去其蠹害天下何憂不
治酌清汰公考選已有旨了

上御文華殿講讀畢伏全輔臣施鳳來侍班于帷幄
前召六部都察院堂上官至行禮畢

上傳諸臣曰前因月食已有勅諭着各衙門修省條
斷收已畢 卷五

陳吏弊近見科道雖有章奏人各一說茫然不足
部院大臣如何不見條議還着條陳所見以憑裁
酌隨出手諭重加申誡諸臣叩頭伏班輔臣施鳳
來等上言

皇上修明祖制行召對之典使部院諸臣各修職業
是新政第一勝事天下何憂不治臣等不勝歡忭
上曰諸臣各修職業以佐平康朕與卿等共之

○御史梁炳一本

聖明圖治方殷事奉

聖旨祖制為萬代政治法程以后內外諸司務要恪
守舊章毋得仍前任意更改親載藉以曉前代興
亡之理實于化源有裨朕將力行之民浴奢侈上
下無章至寃袍大袖及婦女濫用金冠袍帶乘輜
輶何体統即着五城御史刊刺榜文曉諭若不遵
的便擒拿律治虜患方殷修墻猶亟這古地桃林
一片石雖住時修葺以泥塗了事各邊督撫等官
已後責令邊將領督鳩工務俾永固至懲貪酷以
附民生慎採訪以簡邊材嚴申飭以正士風俱救

時確論着該部即與議覆

○戶部主事陳此心一本仰慶惟天事奉

聖旨這所奏恤民敷吏閭練積儲屯田說亦有可採
凡章奏事俱宜簡要不得掇拾冗長本內千字腹
字燬字俱着改正行

○司理監張邦紹一本房屋估價事奉

聖旨這逆犯魏忠賢等庄房變價銀共四萬四千五
十一兩五錢首解進內庫照數查收其肅寧府地
不必估計着該城御史等官撥夫看守所有房租

遂日征取贮庫年終額進侍東西底定朕將留賜
第以侍功陞

○工部尚書薛鳳翔被劾回籍

○應天巡撫李侍問一本目擊黃山事 奉

聖旨據奏許志吉以察覆讞吏投身奸逆籍沒追贖
變價事魚肉鄉邑深可痛恨罷斥不足盡其罪着
該總按一并提問追贖正罪具奏

○薦遼總督張鳳翼一本危邊倣報事 奏

聖旨覽奏奴虜交通探首擁衆內面所在戒嚴密鎮
新政紀畧 卷五

月餉久缺該部仰屋無措着查田爾耕籍沒銀兩
興餉司免支抵補該鎮欠數其不足者陸續補發
并將薦鎮已題未發銀兩作速那處以濟急需

正月十一日

○編修倪元洛謹奏為世界已清而方隅未化邪
忿已息而正氣未伸謹憑愚忱仰祈

聖鑒事奉

聖旨朕屢旨起廢務求虛公酌量起用有何方隅未
化正氣未伸這所奏不當各處書院不許倡言創

伏以滋紛擾王守履混亂朝議業經薄罰豈容薦舉市恩

○御史韓光先一本半載久欵事奉

聖旨這奏有俾朕躬典學及政本邊防者朕當加意行至說合差宜伏裁俸宜寬着該部院即興議復大祀重典務期嚴肅以後有不恭的着恭處來說皇明二字倒寫着改正行

正月十二日

○工科給事中祖重燁為
新政紀畧 卷五

聖治日隆輿情大暢謹憑萬堯之愚仰襄初元新政
伏覩

皇上登極以來首鋤肘腋元光次撤京邊逆黨鯨鯢
就法彪虎清夷而又卜相全國錄選丹壑卹忠魂
於九地間綱黨于干秋舉數年之天下能言而不
敢言者

皇上獨發睿斷次第舉行止漏網巨奸李永禎李若
愚屢經奏劾必蒙

宸斷大臣心背自當身任天下之重如處其位而不

履其事則併食覆疎千古貽訛小臣為手足肢體
亦宜守職奉公故議論宜清也門戶宜破也頻年
玄黃相角平陂相尋至魏崔結黨借題害人以門
戶為穿不論是非推而納之衣冠之禍極矣楊連
等既罹兇鋒自應褒卹台臣周宗建祇因攻魏客
卿恨最深嗾顛痴部臣曹欽臣及濟惡內臣李寶
參之誣貶擬罪寃死最慘至若黃山一案初則呂
下問激變地方繼則許志吉流毒桑梓封疆之臣
全係賞罰激勸袁崇煥有功于邊黔撫李棟亦有

嬰城之勞王三善忠勇自矢匹馬解圍進搗巢穴
全師被截膏血郊原亦當卹錄抑職于閭臣顧東
謙不能不連議焉遂璫在天啟元年未敢甚肆自
秉謙交結獻媚備諸醜態膝下呼兒廉恥盡喪若
夫肅寧封伯則達迎恐後矣遼東鎮守則阿承祚
德四六天語則稟擬駭聽矣忌同官則斥丁紹軾
害鄉貳則逐李自春斥考官而顧錫等丁乾學文
南英不免矣戚多命則楊漣等五日一比之
昔惟權黨所指矣三吳共唾萬口交譏幼恐東謙雖

居林不宜仍竊鼎鉉名號以徼異日恩榮也 奉
聖旨召門大臣商確機務此

先朝任賢圖治之法知道了周宗建係邪黨慘死着
與優恤李寶織造錢糧該撫按徹底清查具奏其
自建生祠一併拆毀變價助餉黃山一案俟撫按
查明奏請定奪

○簡討項煜奏為

聖政十載一時愚臣千慮一得敬陳撥亂保治之策
以佐中興事臣聞千古未撥亂難而保治猶難撥
新政紀畧 卷五

亂有方保治有道 一曰去邪之當酌也渠魁脅從法有輕重宦官自大逆不軌魏忠賢而外則有罪盈惡積之李寶可誅也寶之塗炭江南慘毒難以言狀印一疏而陷名流高攀龍輩立人斃之死罪羅鉗吉網不是過矣此忠賢之第一幫手急宜與忠賢並肆諸市朝以為宦官作惡者之戒而他若總督內鎮作福作威雖經撤回仍行竄殛可也奸黨自禽行獸心雀呈秀而外則有如鬼如蜮之倪文煥可誅也文煥之側身閻寺八拜呼爺以

笑破海內之口。旦日夜與呈秀合謀殺人媚人。荼毒忠良數載。倚勢騙錢積至販私累萬者。呈秀之第一幫手。亟宜與呈秀並誅。市朝以為小人黨惡者之戒。而他若冢卿樞式欺天媚灶。重則流放輕則削黜可也。更有么麼小臣大惡無道如許志吉者。貪橫異常。鳩璫嚇民賊私不下三十萬。一日起廢之當的也。小人道消則君子道長。羣賢連茹此其時矣。但世間正不少梨丘之鬼。而當事勿漫好葉公之龍。今海內多賢而知之不真。未敢妄舉。

有同里間深相信之文震孟陳仁錫姚希孟王心
一則又有八千里不識面之袁崇煥今仁錫已登
啟事則三臣應各

賜環若益遠一守

宗社晏然誰之力乎食其功而棄其身何以勸邊臣
也則崇煥當及令速用雷霆既肅雨露宜施則凡
許權璫而斃固圉者貞魂可不優卹乎執戈戍邊
者可不放歸乎清貧撤骨之周順昌追班至今不
休可不閻釋乎德音一沛寒谷生春矣 奉

聖旨知道了李寶業經處分文震孟等已着起用其
未起用的并酌議具伏許志吉以勘黃山一案肆
行貪橫吳于聘等殘虐地方即着該撫按提問追
賊正罪

正月十三日

○南吏部主事涂紹煃為欣達

聖明太平有象謹陳太平八要以備萬葉以光

聖治事伏覩

陛下登極幾何時弛張剛柔之間寰海內外莫不欽
新政紀畧 卷五

大聖人舉動以為即免舜復生莫能過焉惟是免脫
脫舜業業此段心法須臾不可忘經筵砍勤而後
聰明日擴名對砍頻而後金驚無虞郊天禮廟
時一舉行而後怨恫無歸大法小廉審於忠節乾
剛獨攬嘵笑砍嚴為一要

陛下知奴首之逆我頗行而數不利于圖乎道路流
言僉以為今夏奇捷莫非鹿馬之奸夫奴子方以
大兵東渡擊朝鮮安得又有大兵躁亂我中圖乎
此忠賢欲退邊功以冒

上賞即袁崇煥不欲自以為功其意可知也今及時
未雨綢繆以收成功于萬舉萬當為二要
陛下知民窮財盡至今日而極不堪頃會于哉當忠
賢之世又加派又橫征又設措又搜括又追賊吸
髓剥膚三空四盡竊以惟正不可不蠲也逮餉一
事亦須從長酌議崇禎元年為

陛下改元之初請准免天下遼餉所籍忠賢客氏
呈秀諸縣不知幾百千億萬亦可少抵至如生財
之要莫如錢莫如屯莫如鹽造錢有要頒錢有則
新政紀畧 卷五

廣錢有木行錢有道屯有邊屯有腹屯衆可得而食也考於鹽之利益之害榷可得而筦也急講生財之大道為三要也

陛下知文運國運相關乎哉今日經生家言偽辭偽理誰非厲氣且以命題為獻詔之計致諸生又以我夫子獻媚璫父可權啟聖射圃可占生祠病狂喪心至此極哉至吾鄉澹臺先生祠是東江以右之祖也致利其租并賣其祠又有喪心買之者吾道無光今日已極尊吾道所以匡天地尊宗社為

四要也

陛下知忠賢罪惡滔天豈獨憑寵任之過哉外則崔
呈秀為之招權納賄則李永貞自雄學海孤鼠輩
亦奉為智囊宵小朋比實煩有徒雖不必苦株連
傷元氣亦安得不問渠惡清亂源為五要也

陛下知魏廣微之與忠賢謀結同姓竇為戎首乎哉
今天奪其魄未受顯誅而不追奔于身後恐無以
雪諸臣憤冤于地下至于李夔龍之穢迹多端嚴

然為群邪長豈不玷憲体羞羣史乎用人不可不

慎為六要也

陛下方以孝治天下奈何不弘錫類以沛孝思乎哉
陛下初登寶位追崇

聖母人孰不有父母從前所追奪之誥命一應補給
至于物色之起又在後也為七要也

陛下亦知忠言不可攸伏而多言亦易濫觴乎當忠
賢竊柄箱結天下鬱鬱已極今言路弘開火燃泉
達勢不可禁啟

陛下厭聽之端轉聞堂簾朕隔之路職聞止戈為武

今且以言止言乞先賜罷職為多言戒其餘一切
真實利病凡可以糾官邪正士習安民生足國用
等項仍許諸人直言無隱處瘦授言之益為八要
○工料頗繼祖奏為

皇圖與歲序更新事奉

聖旨覽奏奸璫煽虐擯逐數多諸臣酌議起用黃山
一案屢旨從公伏勘這波累強派的還看該撫按
確查具奏取稅承買另寬議行慎起廢禁吹求與
冒濫應汰俱已有旨了餘可行的俱酌與議伏

正月十四日

○江西道御史林棟隆為

聖明求治甚殷臣子靖共宜切敬效萬堯末議以裨
新政事一曰重秉擬二曰伸公論三曰惜
爵賞四曰嚴姦實五曰慎言路六曰審機
權奉

聖旨萬幾雖煩朕當思執要之法追所奏保躬知道
了票擬關係國事是關臣實力担当說得是至伸公
論惜爵賞核功能審執權教時要論考選屆期作

何哉俸吏部議定來說

○工部郎中吳炳奏為亂賊業已伏罪從前究抑宜
伸謹據實直陳仰祈查核昭雪以廣皇仁事伏
覩

聖主當陽草木禽獸皆安仁育而被忠賢殺戮者拖
累者禁錮者尚未查檢昭雪

皇上如天之仁必有聞言而憫惻者敢昧死陳之
誰為忠賢殺戮之人則楊連周順昌等數十人是
新改記事
也誰為忠賢拖累之人則追赃家屬是也誰為忠
卷五

賢禁錮之人則韓爌劉一燝等數百人是也

皇上試查天啟四年夏秋之交自閣臣以至大小九

卿科道但參論忠賢者無不斥去夫此人才費

祖宗數百年之培養不足供奸璫一日之削除吁可

恨也此等諸臣各有生平本末應否查核酌用苟

有

聖裁非我所敢議而已追之誥命似宜盡行補給以成錫類之孝恩已奪之官階似宜先復冠帶以吐鬱結之士氣也抑我又有說焉履土食毛固是朝

推升削奪的早與起用說得是優車吳廣制額着
該部即議復

。兵部一本賢能司官事奉

聖旨覽奏卿所舉職方司官皆清執忤權為時論所
推不宜久滯林全余大成鹿善繼優以京堂王繼
謨沈棨准補原官都與起用

。督師王之臣為申報安撫降夷事奉

聖旨祖宗朝原有招降夷人之制載在會典甚明但
新 政紀畧 時平虜無大志是亦乘違之法今諸臣懇于往事

鰥鶩邊慮覽秦東西降夷已經解發閫內安插訖
不絕其向化之路不墮其功發之謀具見方畧卿
既相度機權抹勵以待應發糧餉着戶部速與轉
輸還宜萬分戒備勿至疏虞餘并着^該部省議具
復

正月十五日

徐憲卿入東林點
將臻地進呈出洞
然重成

○南京光祿寺少卿徐憲卿為穢法之大憝已除清
明之世界立見謹頌揚神武并獻芻蕘以贊中興
盛治事 其一謂起居宜慎也肘腋之蠹雖以拔

廷臣子方祈一心營戰以媚

天子水火益梅亦可共濟而忠賢創為門戶臣不知
門戶為何但見恭忠賢忤忠賢以致殺戮施累禁
銅者忠賢悉指為門戶為邪黨然則跪拜忠賢戶
祝忠賢周孔忠賢反為正黨乎恭讀

明旨有曰分門別戶已非治徵至株連殊可痛恨大
哉王言固已洞悉之伏乞立賜採行

○吏科劉漢孺為聖政聿新敬竭一得之愚以平
人情事一則為仕途之澄汰宜急也一則為

議論之淆亂宜清也。一則為權門之羣小宜處
內參_{潘汝忠劉志選不正削奪許其進李寗庸}
也_{營求吏部何宗聖久滋物議白太始張士昆奔}
競權_門奉

聖旨王道平乎人情此是蕩平要論起用諸臣及見
在加級加銜諸臣都細加分別務要確論嚴禁萬
紛屏逐羣小已有旨了畿民收賣料豆最稱苦累
着戶部并督餉御史區畫停當來說

○禮科閏可陞為 聖政更新事 奉

聖旨這本說廢棄諸臣當先擇其力參奸逆及題差

去然聞忠賢多蓄死黨自衛其內操之軍士豈盡
驅散與膳與衣與冠之內豈盡無彼私交此外
廷不知而

皇上自知又

皇上之左右必知之宜再請更捲換一番所為去惡務
盡此亦防閑所必周不可不早為計也 其一謂
任路宜清也記曰君子非其友不交曾未見置身
權璫之門而尚望有光明後偉之業者令任路都
類恐不止田吉吳淳夫諸人矣使奴顏婢膝借以
新政紀善

捷收其利今遂改頭換面而巧避其名無論難外
睿鑑且不可以避長安士大夫之口也若不嚴加
澄汰薰蕕混淆而班行無色何以肅官箴焉其
一謂衆正宜登也自忠賢柄政舉三百年培養之
人才磨耗無餘以門戶為推折之題目以削籍追
奪為刻成之印板升轉者逐題差者逐典式而涉
時事者逐有數省人才之數尤為抱蔓幾非任閼
毒流祖父慘暗天日莫有甚于此者

皇上既去邪勿疑自當任賢勿二如三案所削奪勅

部查復近日諸臣所薦人員速與分別起用 其一謂寬抑宜伸也 天地以生物為生人主以好生為德年來敵衛捕風捉影盜賊滋多兩市之鬼夜號圍扉之魂不散怨氣所積致有王恭敵之變亘古希聞而今死者不可復生矣亦當昭雪以瞑其目而未死如耿如杞胡士容惠世楊方震孺等罪何致死情亦可原胡不盡為復用乎 其一為恩濫宜裁也 煩縷敝袴自古惜之况名器之重延年之賞尤非可輕擲者 忠賢一門三等半百錦衣薄

金吾而垂延符卿兄弟而移廕外姓皆千古創
見惟已濫而不得不濫人以自蓋于是殿工有叙
宦錦有叙藩封有叙廷鎮東江有叙叙一番則恩
廕加級一番自內璫以及文紳武弁金吾之席幾
無坐處矣若輩亦預知此廕後來不穩急急開名
早襲如河工而叙及風馬牛不相及之薦撫世屢
而貴一級鍊枉殺之田尔耕諸如此類

皇上即一概塗抹勿全久玷冠裳為一祖制少存萬
一可也其一謂勵政宜革也

天子藏富于民郡縣之充實閭閻之康阜上即其富
未有掃天下之積聚之大內以為富者自呈秀輩
尊利以媚忠賢而忠賢借以自潤搜刮作俑有不
應而數少者削職于是患夫鄙夫驚之苦狂爭多
以求勝人一官到任諸事未遑先報所屬其有無
碍錢糧者盡括之去而不顧其空其無碍銀兩者
括及正額而貽害後人之補甚至官吏從靡常為
時無幾此甫括以進而後來復然所當速渙新獻
與天下更始者不然誅其人而猶襲其事無論兩

賊臣切笑地下有何異兩賊臣尚在耶 奉

聖旨這本說驅散惡黨以慎起居朕自鑒志錄才伸抑請裁員濫俱有旨了歲資于民其論甚正以後有司官除搜括銀兩已經奏報者照舊解進餘不得借名措辦擾害百姓違者重處

。大理寺少卿蔣一鰐為直揭逆璫之惡事 奉

聖旨這本說逆璫無將錢神為祟朕已次第廓清計典方行廢籍亦起尤宜獎廉抑貪以示風勵以後一切論荐之下部院查復說得是趙瑞梓着該部

重處來說

道某滿江而○工料潘士聞為聖治日新事奉
官各人已悉科工科論事福建主試

聖旨這本說辦忠佞公賞罰是計典嚴重苟能實舉
廉卓吏治何由不肅至有借達朕自當持之所荐
諸臣該部議復

新政紀畧卷五終

聖朝新政要畧卷六

正月十六日

○兵科給事中彭祖壽一本

明旨和衷宜遵臣下藩籬宜破敬德一得以請

聖裁以肅朝政事職一介書生欽蒙

聖恩拔置言路得竭悃誠一切逞事角勝之見不惟
不敢萌諸心即今諸臣中誰為炎隆之非局誰為
摧折之束林亦尚茫無所知也祇今知人臣以身事
主全憑一念之公其心公則靜以養國家之氣何妨

新政紀善

卷六

一

落落而寡援其心私則急以收四海之權必至營
營而植党厯覽古今分毫不爽者也乃數年以來
逆璫亂政階縉紳以陷縉紳朝士不以忠厚存心
而以徂繪為態不以匡救建白為職守而以巧題
轉噬密結懼心者為棘手之英雄不分流品以為
招來而標榜以相擁戴于是行一事焉則必向裡
邊說用一人焉必且問裡邊等飄風于名教盤津
要為奧援以致工部為貪狼之窠舉朝列義子之
席而吳楚秦晉遂夢斷長安曠成空國之憂倒覆

宵人之柄此倡彼和蔓引株連有自來矣我

皇上神明天縱聖政維新而明旨更惓惓于門戶廢弛之談即金甌之下亦必焚香祝天尤

聖祖以來二百餘年未有之盛舉我

皇上儼然行之愈見蕩蕩無名之心直不世出之

主凡在廷諸臣幸際此大有為之運固人人當打破病根亟挽狂瀾而台省之敷陳銓曹之啟事更為屹繫普天之下莫非王土大家議論貴公母惑漏

于黨同之說執持貴冷毋徒奔走于薰灼之門毋
新政紀畧 卷五

明知人才之可惜泥方隅而陰為禁錮之謀母明知奸佞之當祛挾恩私而故為左袒之計至若吳楚秦晉何獨無君子諸臣若尤以私意介于其間不盡國家之人才驅而納諸罟獲陷阱之中不止矣職聞邸報見憲臣賈繼春之疏有曰途出于公則何局可造理歸于正則無業可翻坦蕩之大道非調停之陋術斯言真今日良剗諸臣幸際此堯舜之主遭逢真是不偶何可妄自菲薄不瞿然思猛然省乎至起廢一節惟江西興職鄉湖廣傾害

最慘職鄉興江西之四年來銅于楊連萬環無論
外而節錢之臣內而大小九卿即七品官員之台
諫亦無有一人在我

皇上左右者惟職一二中行與寥寥部曹散秩為奸
黨所不屑擣者獨存耳今幸

明旨煌煌微臣似可無言但切見近日巨奸雖去而
党羽未清以故江楚之恨尤然寧不可破職若以
進言之初且隱忍不以入告恐日遼月化將兩省
鄉會之科可不必開版章之藉亦可不必列矣是

可不為寒心耶若恥趨惡焰投闊自甘者固自多
然而亦有大奸大惡或抄擣遍于要津或人牘滿
于南北或幕中被逐而作可憐之色或草野占風
而興伏雨之雲凡若此者皆不得借口處自魏崔
審功忤權之令名巧通燃灰之線索者也如果誣
陷有據人望咸歸即當暫復原官仍候實缺起補
至若大工加級工部諸臣不必問其晬夜之行早
已識其縉紳之路况都憲寺臣豈宜出入郎署之

祖制而玷官裳莫此為甚職初入言路愧無所効其愚惟見諸臣富貴功名之腸太急廢棄門戶之旨未遵不敢不直陳于

君父之前至于江西興職鄉湖廣更望我

皇上天語申飭母使

聖明之朝兩省獨遭党銅之禍奸邪敢挾背公之權則國家幸甚奉

聖旨這本說諸臣議論責乎諉曹執持貴定甚得用

人要領江西湖廣摧折已多朕甚憫惜一應廢弃

諸臣如果誣陷有據人望咸歸者即與復官遇缺
實補其物議彰明者不得借題起用工曹加銜太
濫吏部一并清汰具奏

○浙江道御史范良彥為

聖主求言不遺葑菲微臣劫盡砍獻葛堯敬聽一得
之愚仰贊維新之治事一曰慎察典邇來懸價
鬻爵稱金買官仕路卑汚已甚今須考察以懲貪
為第一義勿徒取一二鄉貢病老之人草草塞責
也二日公會推吏部舊制會推凡部堂督撫有

缺必集九卿科道會推于東闕松林中比年祇成
故事冢臣與司官商于密室註于手摺業一定不
易止徇故事遍邀九卿科道多不至側廳一揖而
事已畢矣今當秉公無我凡所推舉務求備時論
之望 三曰清奸黨魏崔逆謀誠罪之首凡稱功
頌德創建生祠者亦當分別生祠見在地方諛詞
俱在

御前但以創建之早晚稱頌之多寡為罪案之重輕
彼亦何辭耶 四曰急錄卹逆璫前後矯 首連

捕士紳不下二十餘人如萬環首犯充焰劉鐸之
身首異處蘇繼歐之自盡高板龍之投水諸如累
紫冤魂應麾應卹宜速毋効薛貞熱審一以照舊
二字抹殺忠良之氣節也 五曰嚴升叙

世宗入承大統正劉瑾亂政之後詔令大臣自陳一
時罷尚書等官數十人今殿功邊功河工藩封不
啻滿朝皆太保一部兩尚書

皇上寬仁聽其自裁謂宜滿盤托此徹底澄清可也
六日正士習甲子以典試處陳子壯周之綱等

今科主司命題舉擬稱領士子巧合意旨塲屋文體大壞謂一洗前弊可也奉

聖旨大計重廉素著穢迹者必黜無赦會推公典務集衆恩說得是清党卹錄有旨了向未升叙之濫砍行澄汰以後科道卽屬俱着諭臣酌議辭銜一并具奏武臣并加清查正文體廣科額着該部議伏

○福建道李應期為聖治益隆事來

聖旨這奏下問以通事情朕自當舉行近來事例委
新政紀畧 卷六 六

非良法還以汰冗禁侵為實着降夷議處已有旨
了以後加納須有在見任官員生利須痛懲權閥
須用廉慎科甲會試錄稍加潤色以程多士鄉式
錄已經進呈不必另補

○刑科給事中曹師稷奏為景運方新革陳安據末
議以襄上理事竊聞

天子有道守在四夷又曰民惟邦本本固邦寧故禦
寇所以保民而攘外必先安內方今最可患者無
如東事一壞于叛將再壞于降夷三壞于奸細袁

崇煥經理數年士氣稍振而逆璫攘為已功崇煥
且見逐矣然每見奴酋之來多在春夏而在寒
冬今須一番策勵精神以必戰為主以固人心為
本以得人為要又有不可知者插漢擁兵聲言并
奮此即奴酋滅南關之故智萬一奴子假道入喜
峯諸口作何倚禦乎昔嘉靖時虜數入寇諸臣集
議

肅皇帝加嘆曰得人一語尤探本之論豈非今日危
鑑哉更有最急者惟境內家給人足斯無他憂若

百姓愁苦民心愚亂則胡越起于輦轂而羌夷接踵豈可不寒心哉奉

聖旨攘外最急無如東奴虜戰氣固人心此策担当誠能得人朕豈煩東顧至恤民尤屬本論江南灾民議折與核兵餉去糜濫該部即與具復

○吏科左給事張惟一奏為 泰運弘開昌言不諱 故述見聞所得仰披忠告之忱事慨自權璫播惡阿附如流視釐之祠無之非是廣陵姑蘇在在有之而雄據于杭之湖上者為盛輝煌瓊宮峻宇者

其祠也巍然聳峙于門左右者頌德碑文也作之
者誰乃借輔臣之官銜以示重宜輔臣之不任受
乎職方愧天啟之間無言路而欲輔臣不稍用委
蛇以行其潛移默奪之術斯亦難矣而終不敢盡
為然者年來削奪杖戍追贓詔獄之滌諸臣動輒
罹之然則小臣真足以生死半而輔臣惟是以去
就半耳性命難割功名難捨以故古來詔可焚牘
可補弄臣之戲殿可召夷虜之逆謀可折回天補

日之勑得之宰執者十九若猶作生死恐怖之想

慮櫻虎狼之怒將使權奸生心無復忌憚以穰成
臣子不忍言之惡亦將曰不能與也不敢惜也天
下事更且望之誰哉故此段說輔臣或以寫憂苦
之衷而決非啟自寬之路也軍國平章天下已任
所願乘新恭受事之初竭同心協贊之謨遇有大
利大害廷臣所不敢言不能爭者務一力担当庶
幾答四海仰望之心付九重停毘之重此有慨
于中者一夫閩之漳泉浙之溫台海濱錯壤也
去春海寇披猖閩之焚劫最慘該撫業疏聞之出

沒無常隱憂臣測溫台實切震隣之恐聞海濱官軍
無如彼何稍稍賂結以幸旦夕之安宜急為申飭尤
俾為遠左水西之績此有慨于中者二 大江南

北人情徇徇無過黃山楊州兩案許志吉以猴冠
張虎吻假附勢而射利阻壞兩淮益標非劉鈔閻
力勸之回楊州又亂場矣推官許其進言者第謂
營鑽吏部不知八十萬庫銀一筆枉之至到任三
月之汪運使懸坐二十萬賊銀原籍施累幾遍臨
清追比之苦不啻敲骨吸髓愁怨之聲至于鬼哭

神號公然以數百家性命為一己博美官此有慨于中者三取道清河見守備周名世許弘功假造運船擾駿驛遞公麼武弁輒扼要而備之虐豈非軍階之巨蠹而驛路之蠹賊乎此有慨于中者四輦轂之下銓衡之司有若居心不淨行檢有虧超熱附炎賓官鬻爵如尋慎行者何可一日容于免舜之世哉奉

聖旨這本說輔臣勉竭忠誠力持國是海寇流突消彌宜急着閩浙兩撫嚴加申飭行周名世等兵部

查明具奏許志吉許其進達與罷斥聶慎行看議
來說

十八日

○陝西道御史李炳為 聖主用人方殷諸臣會議
未定敬陳愚見以備採擇事伏覩

皇上鋤奸之後即頒 勅諭會議起用雖臣下亦有
將順而 寥寥早已獨斷今未用而待議者尚多
也以當用者論某也觸權奸而被譴者某也以權
奸借端而被黜此皆

新政紀畧 卷六

十

皇上所必欲起用者然有必用者當與衆共收之不可因一二之言輕棄之以不當用者論某也不附權奸之黨而瑕疵並著某也偶發于權奸之日而職業原虧某也已置身權奸之門而忽以小嫌見斥此皆

皇上所不欲概用者也然不可用者當曉然與衆共舍之不當茫然使人意揣之主議者須以大公之心秉鑑以憐才之念持衡節褒其大勿以微疵棄士過摘其顯勿以曖昧銅人若慮其用數多一時

擁帶請于諸臣分為二案第一案先用之第二案
繼用之蓋拔擢之姓名既定林藪共無淹抑之虞
推選之次第可循任路並無壅滯之患必如是而
人情自平國是自定矣奉

聖旨這奏議諸臣被遣削者不必概借權璫為題選
宜酌量才品此亦虛平之論至起用分為二案尤
為考功良法該部知道

○御史梁天奇為聖明圖治方殷宇宙昇平已見

董抒一得之愚以光新政事

一曰恪遵

祖制

二曰勤勉 聖學 三曰愛養民生 四曰慎簡
邊將 五曰防範士習 六曰釐正民俗 奉
聖旨覽奏治平道在因人而委于人君之明斷說得
是李寓庸鼎慎行着該部即與議處張鳳翔等俱
核實用崔景榮准復官誥生撫按廉訪將才有司
選舉壯士議具可採錄并着該部酌議
兵科給事中張鼎延為寶曆初開歲功伊始敬敏
勗亮一得之愚以裨懿蕩萬年之計事益 聖躬
宜保而聖學宜睿也

皇上退朝清心寡慾批答不倦可謂勵精好學然情
欲難制鴻鵠易馳保無進銳退遠則遠去內璫日
親圖史為要政事宜修而用人宜審也彼逐羣附
臭大裂防維鷹鸇之逐當不少待即初終兩載心
口互異方搖尾以乞憐旋改頃而換面狐鼠之羣
亦須盡換至如用人之大莫如簡相而行政之大
莫如卹民籍沒賊私或量給慘死之家或直信助
餉之旨可也奉

聖旨朕親裁万几緝熙志學這本說檢束身心懲前
新政紀畧 卷六

密後知道了用人宜審不得徇人姑息閣借題之
門說得是大奸既殛黨與宜清已着法司定罪至
慎格獄誅戮一洗舊習有俾新政

○禮科給事中仇維禎為漏網之邪黨當糾誅奸之
國法未盡懇乞 詮斷處分以明憲典事言今日

大憝雖已剪除處除虎彪已經撤罪尚有一二未盡
之党不減于虎彪者 其一已給假驗封郎中周良
幕府賈官鬻爵肆行無忌吏部舊例一轉即請假
近葉周良村嘗南水
始人內閣科史部郎中

論
官
事
下
卷

三
大
理
事
師

迴避何以被旨留郎署小臣豈真出內批之欽
綸不過通內結謀與党倪文煥等據定河南道吏
部耳其一為工部郎中加陞太僕卿徐四岳紇
彊戚黃緣忠賢一歲三遷都中傳言廝養列同卿
指四岳也其一太僕少卿梁夢環雖已閑住豈
足盡其年乃歟殺國戚乃歟傾中宮夫以楊
連之移宮止出之太速未便歟動搖彼時選侍未
有封號尚且羅織成辟即後數忠賢二十四罪首

新
政
紀
畧

卷六

三

犯光鋒身殞家破論者雖卹其死尤不能遺恨于
當日之輕舉惠世揚以通主妄擬罪尤屬風影懲
坐今

皇仁浩蕩僅以事無的據止免一死夢環比之惠世
揚尤為有據比之劉志選尤從寬政真大逆不道
之賊臣當速下法司追論擬罪者也奉

聖旨通內結奸人臣之大戒朕痛懲此輩不啻三令
五申這本說的是周良材徐四岳着該部分別來
說梁夢環已有旨了本內中字遺失着改正行

。兵部尚書閻鳴泰為奴報屢急事 奉

聖旨毛文龍遠駐海島牽制終屬虛着覽卿當日移
駐蓋套之議情形瞭然今卿欲據南衛以通奴大
意與此疏同還同督撫鎮道諸臣確議行

。吏部一本為考察事

聖旨這貪酷害民官都着革了職為民見在應朝的
着錦衣衛拿送該司究問其餘的該巡按御史嚴
行提問具奏追赃助邊不得容縱還立限與他

。兵部一本為東事結局無期事 奉

新政紀畧 卷六

七

聖旨覽奏頻年禦奴師老財匱結局無期每幹朕東
顧這說閩門東江為首尾蓋套居其中據此形勢
相接奇角相聯信是制用長策蓋套奴所必爭與
奴相守須宿重兵以重將遣先舉將在得人卿前
疏啟移毛文龍于蓋套着與內外諸臣商確行至
主張在中樞說得是卿與督師與撫臣同心合謀
何憂孽奴不滅移督撫于閩門半自肅撫孟遠該
部并議復

○兵部尚書閭鳴泰奏為毛帥已奉明旨事 奉

聖旨毛文龍住師東江原以備牽制之用然必真能
制奴方見成功有如聲息不接糧餉虛糜則孤軍
何濟于事覽卿前疏欲毛帥移營亦是封疆起
見卿既實一力担当必有足算但此舉安危所係
甚大還與督撫鎮道諸臣從長計議行

十九日

○河南道楊維垣奏為詞臣持諭事奉

聖旨倪元璽持諭稍偏已有不當之旨楊維垣復加

取正知道了以後詞臣東來筆禁地自有本業不必
新政紀畧 卷六 直

希建白之名該部知道

○南京戶科陳亮言為仰體 聖明德意謝竭芻蕘
以佐新政事 一曰定聖志 二曰先奉文 三
曰慎人才自奸惡擅權概以門戶二字銅人謂宜
早復冠帶以補 登極詔書所原暫停之一欵

四曰慎邊防 五曰息紛囂 六曰重名器禁王
下被于廝役寇震淥及于懦販至恩賁附學益以
白丁水買名器弁髦朴矣

聖旨這奏定君志先奉文此是治平要論廢藉端臣

還着次第起補冠帶詔命准與先復降夷一節分
補陽遠說得是近來買官名色委玷仕譖宜加澄
汰該部與議復奏內少日字着改正行

○四川道御史楊中極為聖政維新乾坤開泰恭
陳三綱九目以裨新政事一曰務實學以裨
聖政二曰崇禮制以期功化三曰理財用以
裕國體何謂務實學其目有三其一謂講春秋以識
大義其一謂覽綱目以洞興亡之炯鑒其一謂遵

祖制以承朝政之家法何謂崇禮制其目亦有三其
新政紀畧卷六

一謂器使以盡所長其一謂久任以責成功其一
謂平心以慎賞罰何謂理財其目亦有三其一謂
冗費宜汰其一謂屯田鹽法宜清奉

聖旨覽奏三綱九目皆有裨新政朕當確遵祖訓春
秋綱目俟次第講解崇禮節財倍閭防治道屯田
鹽法猶邊儲急需着加意清理申飭行

○江西道御史張養為元虧伊始 聖治維新謹劾
葛堯仰資末議事 一曰重政本 二曰核議論

三曰儲邊材 四曰足廟美 奉

聖旨朕獨斷兼聽總期事理之當雖御札間有處分
聞臣不妨敬替說得是浮游附會之言朕所厭聞
備邊才定廟莫誠今日急着東江核定兵數以為
响計俱酌確議具復

○都察院為仰遵 聖諭事奉

聖旨覽卿條議具見敕時遠畝逋未有司積谷半充
橐索深可痛恨今後除該撫按濟邊正額外方可
益準時值收谷入倉以備荒年仍着撫按不時廉
察違者重治破情面絕魄遺以嚴懲偽吏尤得猶
折改紀學

名貢實之法盜賊縱橫上下交相養亂俱着行撫
按官勒限消弭朝覲官即速赴原任安輯地方不
許枉道回家士氣囂凌今日已極副榜會試監生
乞恩貢尤為近例所無着該部立案勿行其有聚
党把持衙門者督學及緝事員役嚴行究逐來朝
官員經留用者着各陳兵農要務揭送戶兵二部
精擇類進朕得採天下公議以究治安之策

二十一日

○河南道羅元賓為起廢考選并舉革賢一時同升

意見少時治亂攸關懇乞聖明燭照獨斷并勅新舊諸臣破從來積惑以維萬世治安事近奉

聖論固月食求言而惓惓于敬天恤民之要職切思之國家百務所以不得其理者以無實心任事之人耳人之所以不實心任事者則門戶二字為之祟也心存荆棘口播玄黃始則勝氣浮情各分支派後乃吠聲逐影遂生葛藤一片精神嵒用之
新結構報復之場而本等職業無暇修舉人競其無

益之虛爭而一國受其廢弛之實禍坐是故耳今
者起廢考選次第舉行諸臣彙征邁集以協恭成
師濟之風者此時以修嘗釀傾搖之禍亦此時若
不提醒仍恐紛競夫人之以門戶起見者豈以門
戶為不可消者乎或謂述門戶所自來而破其惑
心夫累朝以來無所謂門戶也自東林出而聚徒
講學以淑世自托非不善也然壇站立而標榜起
標榜起而依附生不肖者且以道學之名為勢利
之藪因而排異已因而侵朝政天下聞而非之于

是攻東林者夫攻者攻其頗僻偕之大道可也
乃于人則引繩批根于己則堅營固壘以彼為我
敵而自處多瑕迨二十四罪之疏一出而觸怒權
逆流毒冠紳士之氣燄一旦摧折攻東林者快之
然而其盟主則忠賢也其傳頭則呈秀也其護法
則虎彪也其敗局則貪位慕祿之徒階安共之公
議以洩其私憤執門戶之虛套以暢其毒心比之
東林殆又甚焉能無敗乎究而論之門戶羣小所
構煽而成者是依附之局非東林之局也攻門戶

戶權奸所侵陵而成者是魏崔之局非攻門戶之局也茲賴

皇上神聖奸邪殄滅世道于是一新然而所誅殛者遂端罪樞耳所屏逐者脂韋縮蓄之輩所懲創者不公不法之罪何與于門戶亦何與攻者事也而得無有欣欣然喜之者日局可審矣于是呼朋引類伏機設械以圖報復者惑也又得無有窮霸然憂之者曰局可審矣于是防其捲土挽其逝波以彌逋其間者亦惑也職曰正直之王道也願大小

臣工以正直勵操行而墻壁可以不倚以正直修
戒業而恩怨可以不尋而用人者亦惟正直是求
但論操行戒業之賢否一切是門戶非門戶根株
蔓引悉宜斬斷望

皇上主直道于上不惟革小人肆禍之階而并革君子道長之名不惟革借門戶以銅人之弊而并革借攻門戶以報圖報之端使人皆舉攻計之精神歸
并于戒業何患庶政不得其理哉戒誠恐起用者
因抑鬱之久而尚執成心新進者以方長之氣而

更上騎見雲霧不掃戈矛復起如陽侯之波一浪
滅復一浪生浪與浪相逐而其舟危矣豈國家之
利哉惟聖明採擇焉奉

聖旨朕與諸臣恭階大道故起發考選一時并舉惟
期合新舊人才以資治安其有修隙扳擠及苟報
復的察其心跡定行重處諸臣宜消融意見各情
戒業勿得自苦頗僻以取罪責

浙江道御史宋景雲題為御曆方新泰運伊始
竭愚悃以佐末議事一曰聖躬當保二曰

言路當專 三曰鳴冤當禁 四曰司官當補
五曰講察當嚴 六曰賞罰當信 七曰台規當
復 八曰會額當重 奉

聖旨覽奏慎保朕躬責成相臣啟沃良是爾采荐舉
旁雜以後議論還歸言官即被廢請臣宜聽公論
不得陳冤自誦擇銓司禁流言與公賞罰語俱有
當台規着遵舊例行會式係登極首科照萬曆已
未例以三百五十名為額

二十二日

新政紀畧

主

。雲南道御史李蓮為　主治日隆　聖聰日廓敬
潛愚昧仰佐清明事　一日君德貴乎慎恩　一
曰主術貴乎杜漸　　一日核言路之體要

。吏部一本遵奉　明旨事奉

聖旨吏治歲否關係世道生民覽卿奏具見精核糾
劾貪墨肅清吏治第一義着行省直撫按官申飭
道府等官凡有司姪跡顯著不時間報即行奉提
如道府等官徇情庇護事發一并重處用人宜
破方隅勿得以趋炎遺冷以垂政休說的是以後

凡經撫按彈劾及參處官不許妄辨其奉差都司
于地方甚有干涉該撫按官一体舉劾進表官照
州縣開註所屬司府考語報部至南北直亦照
各省例用兵道官前來勿徒卑官無數國家等官
宜積俸升轉俱依議行

○山西巡按李為庚端伊始事奉

聖旨這奏聖學宜遍覽古今通鑑一書有裨法戒朕

方進備知道了召對以治秦交訪邊才以需急用
新說得是通來京庾如掃借賈沒餘銀以充餘本寬

權減業既有利兼以羨息給京軍是亦救時一法
該部與酌議行

二十三日

○禮科都給事吳弘業為泰運弘開人才競奮憲乞
聖明廣采征以羅新進急環召以錄舊人為元年第
一歲舉事

皇上金甌肇舉爰立六相正明良善起之交尚新烈
不廣不虛此遺哉

先帝登極壬戌加至四百今宜加增五十名以昭一

時威美至起廢一節今且奉有先擇其力奉道奸
及題差推升削奪的奏如起用之 明者一時共
事如許譽卿陳良訓周洪謨喻思恂劉惟忠楊棟
朝等非力奉忠賢而一鳴輒斥者乎杜倒置之漸
近來官方之壞莫甚于加銜一節鄙郎而加方面
之銜郡守而加監司之銜豈可久乎一日擴虛懷
以杜疑畏之漸今者昌言盈廷不乏讖論且以票
檄還內閣議諭歸台省刑罰付司寇豈欲使之將

順惟謹哉伏願一擴虛懷凡有違白未恆

卷六

三

聖宸

新

此紀畧

不妨與輔臣從容議一曰嚴邊功以杜決裂之漸夫執訊獻馘歲額日虛而邊事日非此偉功非戰功也數時得奏之音少息亦

皇上明見萬里之外督師樞臣及起用袁崇煥當何如以圖報稱耶一日實邊儲以杜匱耗之漸東西交証竭天下以奉遠終而日苦不足屯種之利亦既舉行而奈何不竟其說乎毛帥自負奇男子不費國家財賦而可早收底定之功不可以此自効乎奉

聖旨這科額數已有旨了應用房考俱照已未科行
起廢一節不宜久稽所荐陳良訓等着該部酌議
用其起廢弁與查復舉人式卷必經磨勸方許會
式該提調官有急玩的指名查叅奸遂生祠連與
折燬禮部員缺着即會准以憑簡用

○吏部尚書房壯麗等為遵奉 明諭條行事宜以
祈

聖裁事本月十二日蒙

臣案

皇上宣召六部都察院堂上官於文華殿而諭臣等
新政紀畧 卷六

前因月食已有勅諭着各衙門條陳例弊近見科道官雖有章奏人各一說茫然不定部院大臣如何不見條議還着各閣所見以憑裁酌臣等恭達召對咸與覩 聖顧之眸穆睞 天語之諄切如身入唐虞之庭而親際都俞吁唏之美也安敢有懷不吐惟是臣衙門職在用人而吏治咸否世道理亂生民休戚係焉以一二事宜關切銓政者敬陳焉 一日貪吏之糾劾宜嚴 一日用人之方隅宜融節鍼大臣卿貳不及于吳楚秦晉之人毋

惑于不平則鳴也 一被劾之妄辨宜禁 一奉

差部司宜有舉劾 一進表官所屬地方宜有考
語南北直隸皆用兵道 一閑曹之銓轉宜酌其

期

二十四日

○登萊巡撫武之望為島帥歟固盡露事 奉

並葉

聖旨往登萊撫東帥等事海上偶忤意見判相儀具
疏內爭執張盤曾有功情節與錢糧首尾自明不

必致辨毛文龍擁布海外威靡重餉着即奮力恢

新政紀畧

卷六

七

遠以慰來顧除勿苛求移師益委還宜商酌行已
有旨了

○吏部一本仰承 明旨事 奉

聖旨舊輔臣劉一環韓爌馮銓佐政先朝忠猷夙著
忤奸削逐朕為惻然着各復原官以致仕一環詰
命准與補給以彰朕優禮輔弼之意

○原任御史方震孺孤臣即日等事 奉

聖旨方震孺屢經苦毒已蒙開釋其規勸諸臣持論
亦平知道了在京在外監禁多人應否照數公審

法司確議來說

○兵部一本安插降夷事

聖旨覽奏降夷分置山海三屯亦是督師數處防患
至意但移入內地奸細可虞人心易動關繩宣大
並稱重地豈容不思熟防禦還是延宜甘固沿邊
安插為妥仍照例沿邊賞給口糧以示撫恤

二十五日

○湖廣巡按溫皋謨為進繳誥命等事 奉

某兼溫皋謨廣
南宗人方正科
脚註此據

聖旨賀逢聖學行端醇削奪原非其辜既經起用這
新政紀事 卷六

詰命自應免追年來楚才摧折過多朕深測念這所奏謝其舉等各詰命俱着該部院來說

○刑部一本仰遵 聖諭事 奉

聖旨覽卿奏在刑言刑數陳明切甚得朕刑期無刑至意至祝朕躬以悠久不息尤于新政有裨近來官薄冷戚人懷羶心若徒視秋曹為閑散之司國家安得慎獄之用令科刑部辦事進士着照成化年間例同各司問鞠俾陳舊章如各司有才品卓超者不妨從優升調其司官以刑名為戒尤宜講

明律例夙夜在公豈可到部未幾即營着差自便况
有借差為名優游里門者俱聽堂官指名奉處錦
衣非法非刑俱憲酷異常此非盛世所宜有着道
高皇帝勅諭概從焚毀卿與各屬用心矜恤俾固圉
無寃平明有賴這所奏如議申飭行

送景傳撫江西

人莫上科刑科給事
加太僕寺少卿

○原任刑科傳撫為龍飛利見事奉

聖旨這本說要典已成事無論定諸臣意見參錯不
必永銅說得是朕方欲消融同異以臻蕩平傳撫

心跡自明着吏部郎與銓補

六

二十七

新政編纂

二十六日

○御史曹谷題為 聖明求治方殷臣工 効忠宜力
謹遵

聖諭陳用人理財之一端以裨集衆以光新政事

皇上求賢若渴首言起廢山林之士欣欣向用豈患
無人顧才與官相稱則才易展品不為才所掩則

品益真今之方隅果盡破于涇渭果盡辨于果其

錢鏗 唐濟

可用則用之不疑問其東西南北也如鄭以肆錢
益天監錄

象坤誠清世之麟鳳唐世濟李凌雲周世朴邪尚

賓賓先哲之著述又如徐楊先朱欽相王心一皆
名御史也若理才一節古來無出閑節二字今財
源已無可開惟節之一字可得而講籍今州縣有
循吏藩郡有良牧軍圍之需何憂不充乎再有過
計門戶二字

皇上已厭棄不談再有拈出東林二字者是必欲畔
中道而走歧路也葛藤不了波浪疊興使賢者復
動顧忌之情不肖者旋動翻覆之局流毒豈淺小

○刑部一本奸弁媚權事 奉

聖旨覽奏劉鐸一案羅織衣冠駢首兩市獻媚權惡
立弊多官神人共憤罪宜勝誅張休乾斬谷應選
絞允當着監候處決餘依擬

○刑部等衙門為違旨會議事 奉

聖旨覽奏逆惡魏忠賢掃除廝役憑藉寵靈肆況宮
闈荼毒良善非閭國元勳妄分茅土過至尊而自
命尚公盜帑弄兵陰謀不軌串同逆婦客民傅迷
聲息把持內外雀呈秀委身奸閑無君無親明據

威福之柄大閭縉紳之禍無將之誅國有常刑既
會議明確着行原籍撫按魏忠賢于河間府截尾
凌遲崔呈秀于薊州斬首其客民身戶亦着查明
斬首示衆仍將爰書刊布中外曉諭以為奸惡亂
政之戒魏志德等俱依前旨發烟瘴地面永遠充
軍誥命輒行追奪其魏良棟魏朋翼崔堂崔僕既
係孩稚無知准釋放以彰朝廷法外之仁

二十七日

○刑部一本蓮
新政紀事
卷六
會議事
奉

二十九

聖旨奸逆盜權陰謀巨測凡厥黨與所宜嚴懲這五虎五彪既會議的確李夔龍吳淳夫倪文煥田吉行原籍撫按照數追賊解助邊餉完日發附近衛所充軍田爾耕許顯純都着原籍監候處決崔應元楊寰孫雲鶴行原籍撫按發邊衛充軍各犯詰命通行追奪以為附權蠹政之戒

二十八日

○督師王之臣為遼左屯政久壞事奉

聖旨屯田實塞原是根本深計覽卿奏以遼民集遼

地無力者酌借屯本仍卑歲時地利以定壤甚得
辟土安民之法然經理其事頗專官着擇有才操
的方用該部速與查議復行

○原任刑部主事萬嗣達為權奸黨害事 奉

聖旨覽奏萬嗣達着該部查明具復并将曹欽程貪
媚看議來說

○兵部主事李正中為敬列條陳事 奉

聖旨這所奏撫字備省黜降陟安攘四款亦有可採議
論屬之言官章奏務宜簡要已有旨了還着申飭

行

○御史林棟隆為疆場不堪再壞事 奉

聖旨朕已撤回內鎮委任督師明以封疆之責俾其
一力擔荷近見督師條議布置頗有方畧獨降夷
一節廷論紛然及報安插塞外朕以推誠不疑這
奏內事情關係甚大着吏兵二部詳議來說

二十九日

○兵部一本為仰遵 聖諭事 奉

聖旨向來選將無法專闢非人以至行伍空虛士氣

積弱四郊多垒九伐未彰深可痛恨這所條議皆
改弦易轍安邊克敵之要今後武弁有賊穢迹最
著者撫按提問追賊依律正罪不得概從功立贖
罪例至狡猾之潛通徑竇鑽刺之央求情面正與
貪惡相濟俱着從重究擬彈荐不得驟更以嚴律
門閥送一准奏報以嚴查核東江兵數今登旗會
同毛鎮彙冊報部武當省視全撫按確查見積湊
足黔餉這數款皆務循名責實其廉銜不許凌職
升轉咨留年限違化此近時積弊殊乖政休先宜

痛革令彊固未靖安危係之將帥用命尤屬中樞
總在力秉公虛一洗故套俱着實申飭行

○山西巡按李 為昌運一新等事 奉

聖旨朕敷新政以宣鬱剔弊為第一義金世後周如
昌着該部即與昭雪冒濫名器如邵士垣等并查
核米履嚴加汰出至清武弁毫邊備着兵部看議
具奏李寶已經處分了